



1953

Bosna i Hercegovina  
Federacija Bosne i Hercegovine  
Kanton Sarajevo – Grad Sarajevo  
**OPĆINA CENTAR SARAJEVO**  
Služba za urbanizam i zaštitu okoliša

Broj: 07-19-1210/20  
Datum: 26.05.2020. godine

Bosna i Hercegovina  
Federacija Bosne i Hercegovine  
**KANTON SARAJEVO**

PRIMLJENO: 07-06-2020			
Organizaciona jedinica	klasifikaciona oznaka	Redni broj	Broj Hoga
01	04	5444	227

**KANTON SARAJEVO**  
Skupština Kantona Sarajevo

ul. Reisa Džemaludina Čauševića br. 1  
Sarajevo

**PREDMET:** Zastupnička inicijativa Zastupnice Neire Dizdarević

**VEZA :** Vaš akt broj: 01-04-5444-19/20 od 27.02.2020. godine

Poštovani,

U vezi vašeg dopisa (broj: 01-04-5444-19/20 od 27.02.2020. godine), koji se odnosi na zastupničku inicijativu zastupnice Neire Dizdarević, u vezi ažuriranja Liste pravnih i fizičkih lica koji su obaveznici primjene mjera iz Plana interventnih mjera u slučajevima prekomjerne zagađenosti zraka u Kantonu Sarajevo, obaviještavamo Vas o sljedećem:

Na osnovu člana 30. Zakona o zaštiti zraka i člana 41. Odluke o zaštiti i poboljšanju kvaliteta zraka u Kantonu Sarajevo, Vlada Kantona Sarajevo je donijela Plan interventnih mjera u slučajevima prekomjerne zagađenosti zraka u Kantonu Sarajevo. S tim u vezi Općina Centar obavlja i obezbjeđuje provođenje utvrđenih mjera u skladu sa unaprijed navedenim propisima, kao i obezbjeđuje finansijska sredstva za provođenje aktivnosti u okviru nadležnosti.

Opština Centar redovno obavještava fizička i pravna lica sa Liste pravnih i fizičkih lica na koji se odnosi Plan. Ministarstvo prostornog uređenja, građenja i zaštite okoliša Kantona Sarajevo u saradnji sa Ministarstvom privrede, inspekcijama i opštinama vrši identifikaciju i formira Listu pravnih i fizičkih lica koji su obveznici primjene mjera iz Plana, u skladu sa Poglavljem VII ovog Plana.

Također vas informišemo da Opština Centar kontinuirano sarađuje u vezi identifikacije ažuriranja Liste pravnih i fizičkih lica koja u svojoj djelatnosti imaju emisiju zagađujućih materija u zrak.

Trenutno na navedenoj Listi evidentirano je ukupno 15 pravnih lica na području Općine Centar.

Općina Centar će u okviru svoje nadležnosti i ovlaštenja surađivati sa svim ovlaštenim institucijama u provođenju Odluke o zaštiti i poboljšanju kvaliteta zraka u Kantonu Sarajevo i Planu provođenja interventnih mjera u slučajevima prekomjerne zagađenosti zraka u Kantonu Sarajevo.

Pored navedenog Opština Centar za provedbu Plana interventnih mjera u slučajevima prekomjerne zagađenosti zraka u Kantonu Sarajevo na desetoj tematskoj sjednici održanoj 30.01.2020. godine, Općinsko vijeće Centar Sarajevo, je razmatralo Mjere i aktivnosti koje treba poduzeti Općina Centar na smanjenju zagađenosti zraka i saradnje sa drugim nivoima vlasti.

Doneseni Zaključci na održanoj sjednici su sljedeći:

1. Iz sredstava ovogodišnjeg budžeta Općine, te novim sredstvima u rebalansu budžeta za 2020. godinu nastaviti intenzivnu realizaciju projekata gasifikacije područja općine koja nisu pokrivena gasnom mrežom.
2. Finansijski podržati konverziju kotlovnica sa čvrstog ili tečnog goriva na plin u objektima osnovnih škola „Isak Samokovlija“ i „Vladislav Skarić“.
3. Nastaviti realizaciju sufinansiranja projekata utopljanja javnih objekata, kao i objekata kolektivnog i individualnog stanovanja

4. Beskamatno kreditirati konverziju individualnih stambenih objekata sa čvrstog ili tečnog goriva na ekološki prihvatljiva goriva (plin ili struja).
5. Finansijski podržati uvođenje plina u domaćinstva posebno teškog socijalnog statusa.
6. Intenzivirati rad na izgradnji podzemnih javnih garaža sa najvišim stepenom zaštite kvaliteta zraka filter uređajima, odnosno prečistačima zraka.
7. Finansirati nabavku i sadnju 10 hiljada odraslijih stabala zimzelenog drveća sa najvećom površinom lista.

Prijedlozi Vladi i Skupštini Kantona Sarajevo:

1. Da obezbijedi konverziju kotlovnica sa čvrstog ili tečnog goriva na plin svih javnih objekata u Kantonu, kao i industrijskih kapaciteta.
2. Da finansira troškove besplatnog priključka na plin individualnih i stambenih objekata i subvencionira troškove korištenja plina ovih objekata u zimskom periodu
3. Da obezbijedi liniju dugoročnog beskamatnog kreditiranja projekata energetske efikasnosti individualnih stambenih objekata koji koriste ekološki neprihvatljiva goriva (utopljavanje objekata, uvođenje grijnih tijela i instalacija na plin)
4. Subvencionira kupovinu električnih automobila u saradnji sa Vladom Federacije
5. Donese odluku o zabrani prodaje i korištenja nekvalitetnih čvrstih i tečnih goriva
6. Pokrene inicijativu prema Federalnoj Vladi radi zabrane uvoza svih vrsta automobila koji štete kvalitetu zraka
7. Sufinansira projekte općina sa područja Kantona na izgradnji većeg broja podzemnih javnih garaža sa prečistačima zraka
8. Izradi Studiju o efektima mogućeg instaliranja vakumskih čistača smoga na području cijelog Kantona.

S tim u vezi, Općina Centar Sarajevo će u narednom periodu poduzeti pravovremeno aktivnosti u cilju smanjivanja emisije zagađujućih čestica i poboljšanja stanja okoliša.

DOSTAVITI:

- 1.naslovu,
- 2.evidenciji



POSREDOVAČ  
POSREDOVANJE U PROMETU NEKRETNIM PRAVIMA

meja Landžo, dipl. inž. arh